

Apan sa dihang mag-ampo ka . . .

WWW.TENDAYSOFPRAAYER.ORG

DAY 5—PAGABALANON ANG IMONG NGALAN

“Pasigaa ang inyong kahayag atubangan sa mga tawo, aron makita nila ang inyong maayong mga buhat ug himayaon nila ang inyong Amahan sa langit” (Mat. 5:16, NKJV).

Usa Kita ka Bukas nga Sulat

Usa ka higayon niana ang mga membro sa usa ka simbahan, uban sa pastor, misulay sa pagdapit sa mga silingan sa pipila ka mga okasyon. Daghan ang mibalibad. Gipangutana sa pastor ang pipila ka mga pamilya nga nailhan niya kung nganong dili sila gustong moadto. Sa lain-laing mga tubag silang tanan miingon, “Kon si Mr. ____ miyembro didto, mas maayo nga dili kami moadto. Dili siya buotan o mahigugmaon. Wala siyay respeto o pagbati sa kaulaw. Siya limbongero, nag-abuso sa iyang mga binuhi, ug kanunay masuko ug bastos.” Ug gibati kini sa kadagahanan sa mga miembro.

Ang pag-ampo sa Ginoo nagsugod sa mga pulong, “Amahan namo nga anaa sa langit.” Ang Dios dili lamang ang Dios sa uniberso kondili Siya usab adunay suod nga relasyon uban kanato. Unya kini nag-ingon, “Pagabalaanon ang Imong ngalan.” Ang Griyego nga pulong dili “*hagios*”—nga pasabot “balaan, sagrado, takos”—apan “*hagiazō*”—nga nagpasabot ug “pagbalaan.” Unsaon nato pagbalaan o paghimo sa Dios nga balaan kung Siya balaan?

Si Pablo nag-ingon nga kita usa ka bukas nga sulat nga gibasa sa tanang tawo (2 Cor. 3:2). Sa 1 Mga Taga-Corinto 4:9 siya misulat, “Kay kita nahimo nga usa ka talan-awon sa kalibutan” (NKJV).

Ang mga tawo wala makakita sa Dios, sila nakakita kanato. Ang atong inadlaw-adlaw nga kinaiya makahimaya sa Dios ug makapasidungog Kaniya, o kini makapakaulaw sa Iyang ngalan ug makadaut sa simbahan ug makaapekto sa buhat niini (Mat. 5:13–16).

Sumulod sa presensya sa Dios uban ang mga pagdayeg ug dayon ilha Siya isip imong mahigugmaong Amahan. Imbes nga magtan-aw ka sa imong mga panginahanglan, unaha ang pagtagad sa Dios, sa Iyang ngalan, ug sa Iyang dungog. “Gusto sa Dios nga pangitaon nato kadtong mga butang nga makapasidungog sa Iyang ngalan. Sa bisan unsa, dili nato himayaon ang atong kaugalingon; kinahanglan natong pangitaon ang Dios alang sa grasya ug espirituhanong mga panalangin, aron atong himayaon ang Iyang ngalan sa atong mga kinaiya. Ang Dios mahimaya, ang Iyang ngalan mabalaan, sa dihang ang Iyang mga anak mohatag sa ilang kinabuhi og representasyon sa kinaiya ni Kristo” (*Manuscript 34*, 1903, par. 15).

Pag-ampo ug sama niini: “Amahan, tabangi ako sa pagpasidungog kanimo sa tanan nakong buhaton karon. Tabangi ako sa pagrepresentar kanimo ug pagdala sa imong Ngalan aron kung makita ako sa mga tawo dayegon ka nila. Tugoti ako nga maggawi sa paagi nga makita sa mga tawo ang kinaiya ni Jesus pinaagi sa akong matag buhat ug pulong.”

Dugang pa, sa imong pag-ampo pangitaa lamang ang mga butang nga makapasidungog ug makaalagad sa Diyos. Ang 1 Juan 5:14 nag-ingon nga “kon mangayo kita ug bisan unsa sumala sa Iyang kabubut-on, Siya mamati kanato” (NKJV).

Kinahanglan nga mag-ampo kita sa Ngalan ni Jesus, apan kana nagpasabut nga labaw pa sa pag-ingon “sa Imong Ngalan.” Sa kapanahonan sa Bibliya, ang usa ka ngalan nagrepresentar ug kinaiya. Ang pag-ampo sa ngalan ni Jesus mao ang pag-ampo sumala sa Iyang kabubut-on, ang pagpangayo sa mga butang nga magrepresentar Kaniya ug sa Iyang kinaiya. Ang Santiago 4:3 nag-ingon, “Kamo nangayo ug wala makadawat, kay sayop ang inyong pagpangayo” (NKJV). “Ang pag-ampo sa ngalan ni Kristo dako kaayog kahulogan. Nagpasabut kini nga atong dawaton ang Iyang kinaiya, ipakita ang Iyang espiritu, ug buhaton ang Iyang mga buhat” (*The Desire of Ages*, p. 668).

Si Jesus misaad sa pagtubag sa atong mga pag-ampo kon kita mangayo sa Iyang Ngalan, sumala sa Iyang kabubut-on, ug alang sa usa ka butang nga maghimaya ug magpasidungog sa Dios (Juan 14:13, 14; 1 Juan 5:14).

Ug kung motubag ang Dios, siguroha nga imong daygon ug pasidunggan Siya. Kinahanglang dili nato angkonon ang bisan unsang dungog alang sa atong kaugalingon. Si Satanas naningkamot sa pagkuha sa himaya sa Dios alang sa iyang kaugalingon. Sa pagpaubos, ilha ug himayaa ang Dios pinaagi sa imong mga pulong, buhat, ug pag-ampo.

Sa dihang kita magbagulbol, naghatag kita og sayop nga mensahe mahitungod sa atong Dios. Niana nga paagi nagsulti kita nga ang Dios dili maayo, wala Siya magtagad, wala Niya tumana ang Iyang mga saad. Pagmaya kanunay (1 Tes. 5:16; Fil. 4:4). Pag-ampo, pagsulti, ug paggawi sa paagi nga makapasidungog sa Dios. Unsaon nimo pagdasig ang pagtuo kon magduhaduha ka? Unsaon nimo pag-agni sa uban sa pagdayeg sa Dios kon ikaw bagulbolan?

Ang atong kinasingkasing nga pag-ampo mao kini, “Akong langitnon, mahigugmaong Amahan, tabangi ako karong adlaw sa pagsulti ug pagbuhat sa paagi nga magrepresentar Kanimong atubangan sa uban. Ihatag lamang kanako ang mga butang nga makapasidungog Kanimong, ug tabangi ako sa paggamit niini sa paagi nga makaalagad Kanimong. Tugoti ako nga himayaon ang imong ngalan karong adlaw.”

Magdungan ta sa pag-ampo.

Oras sa Pag-ampo (30–45 Minutos)

Ang tanan nga mga grupo sa pag-ampo adunay lainlaing mga paagi sa hiniusa nga pag-ampo. Kami nag-awhag kaninyo sa paggugol sa sunod nga 30-45 minutos sa hiniusang pag-ampo, sa bisan unsa nga paagi nga ang Balaang Espiritu mogiya. Among giawhag ang mugbo lang nga mga pag-ampo (1-3 ka linya). Makahimo kini sa ubay-ubay nga mga tawo sa pag-ampo sa makadaghan nga higayon. Anaa sa ubos ang pipila ka mga pananglitan sa pag-ampo pinaagi sa Kasulatan base sa tema. Mahimo kang mag-ampo pinaagi sa ubang mga teksto ug ilakip ang ubang mga butang sa imong oras sa pag-ampo. Tan-awa ang Giya sa Lider ug World Church Prayer Requests alang sa mga ideya sa pag-ampo.

Pag-ampo sa Pulong sa Diyos — Mat. 5:16

“Pasigaa ang inyong kahayag atubangan sa mga tawo, aron makita nila ang inyong maayong mga buhat ug himayaon nila ang inyong Amahan sa langit.”

“Pasigaa ang imong kahayag”

Ginoo, Ikaw ang Tinubdan sa tanang kahayag. Sidlak pinaagi kanamo aron makita sa uban ang katahum sa Imong kinaiya. Tabangi kami sa pagsidlak nga masanagon ug maisugon aron ang uban madani ngadto sa Imong gingharian pinaagi sa among gugma.

“Aron makita nila ang imong maayong mga buhat”

Ginoo, usahay mahikalimot kami nga ang uban nagtan-aw sa tanan namong gibuhad. Tabangi sila nga makita ang gugma, dili ang pagdumot sa among kinabuhi. Tabangi sila nga makita ang pagkamanggihatagon, dili ang kahakog. Mandoi ang among mga kinabuhi aron mapanalanginan ang among mga anak, among mga silingan, ug bisan pa ang among mga kaaway. ”

“Ug himayaa ang inyong Amahan sa langit”

Ginoo, kinahanglan nga ikaw ibayaw ug kami mopaubos. Ipaubos kami ug tabangi ang among mga silingan nga makakita sa Imong gahom ug kaluoy sa among mahigugmaong mga buhat.

Dugang nga mga Sugyot sa Pag-ampo

Pagpasalamat ug Pagdayeg: Pagpasalamat alang sa usa ka panalangin ug pagdayeg sa Dios tungod sa Iyang kaayo.

Pagsugid: Paggahin ug pipila ka minuto alang sa pribado nga pagsugid ug pagpasalamat sa Dios sa Iyang pagpasaylo.

Giya: Hangyoo ang Dios sa paghatag ug kaalam alang sa kasamtangan nga mga hagit ug mga desisyon.

Atong Simbahan: Pag-ampo alang sa rehiyonal ug tibuok kalibutan nga mga panginahanglan sa simbahan (tan-awa ang separado nga papel nga adunay mga hangyo).

Lokal nga mga Hangyo: Pag-ampo alang sa kasamtangan nga mga panginahanglan sa mga miyembro sa simbahan, pamilya, ug mga silingan.

Pamati ug Pagtubag: Paggahin ug panahon sa pagpamati sa tingog sa Dios ug pagtubag sa pagdayeg o awit.

Mga Sugyot sa Awit

SDA Hymnal: How Great Thou Art (#86); Praise to the Lord (#1); Praise Him, Praise Him (#249)

Other Songs: I Will Enter His Gates; Shine, Jesus, Shine; Majesty; His Name is Wonderful